



03.-05.maj 2018. godine
Lukavački sajam turizma i ekologije
Sprečanska 1, 75300 Lukavac
Tel: +387 35 574 700
Fax: +387 35 574 701
Lukavacki_sajam@yahoo.de
www.lukavacki-sajam.com



Bosna i Hercegovina
Federacija Bosne i Hercegovine
Tuzlanski kanton
OPĆINA LUKAVAC

Poštovani,

Obavještavamo Vas da u općini Lukavac organizujemo po šesnaesti put međunarodni sajam turizma i ekologije „LIST 2018“ koji će se uz pokroviteljstvo Vlade Federacije BiH održati od 03. do 05.maja 2018.godine.

Pored osnovnog cilja sajma-promocija turističkog potencijala Tuzlanskog kantona, Bosne i Hercegovine kao i zemalja izlagača iz regije i šire te predstavljanje stanja u oblasti ekologije i aktivnosti planiranih na poboljšanju istog, sajam će imati i dosta drugih sadržaja.

Naime, planirana je realizacija tri panel diskusije na temu „Informatizacija u ponudi smještajnih kapaciteta i sadržaja usluge“ te stručno predavanje na temu „Mogućnosti i prednosti kontinentalnog zdravstvenog turizma“.

Stručni aspekt pripremit će i voditi ekspert iz oblasti turizma prof.dr. Almir Peštek sa Ekonomskog fakulteta u Sarajevu.

Sa aspekta ekologije sajam će biti prilika za izvanrednu prezentaciju opreme i nove tehnologije za zaštitu okoliša. U ovoj oblasti predviđena su dva stručna predavanja iz oblasti energetske efikasnosti i zbrinjavanja elektroničnog otpada.

Sajam će ponovo biti prilika za educiranje učenika srednjih ugostiteljsko-turističkih škola kroz aktivnosti takmičarskog karaktera za šta će biti obezbijeđene vrijedne nagrade, s toga je i ovo poziv istim da se uključe u navedene aktivnosti.

Nezaobilazna komponenta turizma svakako je zdrava i autohtona hrana i piće u vezi sa čim će sajam ponovo ponuditi veliki „festival domaćih jela i zdrave hrane“.

Sajam i prezentacija vina, kako domaćih tako i iz regije, okupit će znatan broj poznatih vinarija ali i ponuditi novosti iz ove oblasti.

Za novinare i predstavnike turističkih agencija iz BiH i regije predviđena je tura besplatnog obilaska turističkih i kulturnohistorijskih znamenitosti Tuzlanskog kantona.

Ovo su neki od sadržaja planiranih za 16-ti sajam turizma i ekologije „LIST 2018 Lukavac“, a detaljniji sadržaj bit će Vam dostavljen kroz program sajma u okviru Pozivnice za učešće na istom. Druge pojedinosti možete pogledati na stranici sajma www.lukavacki-sajam.com

Nadamo se da će prezentovane aktivnosti i sadržaj sajma doprinijeti Vašoj odluci da učestvujete ili posjetite isti.

Srdačan pozdrav i vidimo se u Lukavcu 03.maja 2018.godine.



Direktor Sajma: Izet Nuhanović



OPĆINSKI NAČELNIK: dr. sci. Edin Delić